

類證普濟本事方

十卷
二冊

宋許叔微撰
舊鈔本

盛鐸臧





類證普濟本事方目錄



第一卷

治藥制度總例

治中風肝膽筋骨諸風病

真珠丸

獨活湯 并論證

星附散

二生散

稀涎散

勝金丸

拒風丹 并論證

續斷湯

署預丸

獨活散

地黃酒

防風湯

竹瀝湯

防已湯

木瓜煎 并論證

地黃丸

羚羊角湯

烏頭湯 并論證

鉄彈丸

黑神丸

定風餅子

伏神散

鱉甲丸

防風湯

人參散

治肝虛發熱方

第二卷

治心小腸脾胃諸病

遠志丸

伏神散

寧志膏

驚氣丸

辰砂遠志丸

茯苓丸

火府丹

七珍散

鞠木丸

白木湯

二神丸

溫脾散

治肺腎經病

棗膏丸

五味子丸

葶藶丸

紫金丹

細辛湯

升麻湯

五靈丸 并論證

香茸丸 又二方

鈔本

椒附散

麋茸丸 并論證

地黄丸

青鹽丸

補益虛勞方

人參丸

五味子丸

黑錫丸

雙和丸

八仙丹

石斛散

治頭痛頭暈方

川芎散

鈎藤散

玉真散

治氣虛頭痛方 又二方

白芷丸

白附子散

羚羊角散

養正丹

黑龍丸

第三卷

治風寒濕痺白虎癱節走疰諸病

續斷丸

增損續斷丸

粥法 并論證

薏苡仁散

芎附散

麝香丸

麻黃散

茵芋丸

牛蒡子散

草麻法

栢葉散

綠靈散

越痛散

烏頭丸 并論證

治風痰停飲痰癖嗽

化痰丸

三生丸

旋覆花湯

檳榔丸

乾姜丸

芫花丸 并論證

紫蘇散

訶子湯

貝母湯

治積聚凝滯五噎噎氣

纏金湯

枳殼散

訶子丸

硃砂丸

紫金丹

感應丸

枳殼散

噎氣丸

熏馬丸

治膀胱疝氣小腸精漏諸病

念珠丸

硃砂丸

金鈴丸

治小便難小腸脹方

茴香散

并論證

金鎖丹

清心丸

猪苓丸 并論證

第四卷

治反胃嘔吐

附子散

鯽魚散

枇杷散

白朮散

竹茹湯

青金丹

香靈丸

訶子丸

鞠藭丸

并論證

陳麴丸

木香丸

溫脾湯

乾姜丸

白朮散

靈砂丹

并論證

木香散

五味子散

治虛熱風壅喉閉清利頭目諸病

利鬲湯

川芎散

芎辛散

通鬲丸

門冬丸

千金地黃丸

人參散

清氣散

柴胡散

地仙散

治腫滿水氣蠱脹諸病

葶藶丸

實脾散

羌活散

大棗湯

茯苓散

又方

知母湯

治腎藏風及足膝腰腿脚氣諸病

腎風攻注脚膝方并論證

烏頭丸

虎骨酒

栴榔湯

地黃丸

續斷丸

續骨丹

茵芋丸

薏苡仁丸并論證

鹿茸丸

藥碁子

第五卷

治腸風痔漏臟毒下血諸病

玉屑丸并論證

蒜連丸

槐花散

椿皮丸

腸痔下血又二方

黃芪丸

鱉甲丸

又方

治衄血吐血咯血諸病

齒海丸

三黃散

又方

治鼻衄方

天門冬丸

黃芪丸

扁豆散

神傳膏并論證

治眼目頭面口齒鼻舌唇耳諸病

羊肝丸

又方

又方 并論證

菊花散

地黄丸 并論證

治頭風冷淚 二方并論證

犀角升麻湯 并論證

治鼻塞腦冷方

鼻赤酒瘡方 二方

木舌腫脹方

口生瘡方

魚骨鯁方

玄參散

紅綿散

黃芪丸

地黄湯

黃芪湯

第六卷

治嗽虛汗消渴諸方

杏酥飲

柏子仁丸

牡蠣散

防風湯 二方

消渴方

神效散 并證論

腎氣丸 并論證

三疳丸

治金瘡癰疽打撲諸瘡破傷風諸病

地黄散

劉寄奴散 并論證

芸薹散 二方

水仙散

栳榔散

地黄膏 并論證

柞木散

斂瘡內消方

七寶散 又方

太白膏

國老膏

黃芪散

生犀散

黃芪丸

內托散

癰疽發背 共三方

玉真散

第七卷

諸蟲飛尸鬼症

制諸虫方

雄硃散 并論證

白薇湯

倉公散

枳實散

葛根湯

枳殼煮散

薏苡仁丸

桂枝散

芎藭湯

治頭面昏痛

治諸雜病

諸病證 計一十二件

第八卷

治傷寒時疫

桂枝湯

麻黃湯 并論

桂枝加附子湯 并證

桂枝加厚朴杏子湯

大柴胡湯 并論證

白虎加蒼朮湯 并論

黃芪建中加當歸湯并證

蜜兌法

破陰丹并證

小柴胡加地黃湯并證

海蛤散

真武湯

白虎加人參湯

肉豆蔻湯

良姜湯

又方

滑石湯

桂枝湯證論方在前

茵陳蒿湯

瓜蒂散并證

第九卷

治傷寒

結胸灸法

鵲石散

桂枝麻黃湯證

抵當丸并證

破陰丹方在前

補脾湯并證

麻黃湯方在前

小柴胡湯并證

太陽、明合病證

小承氣湯證

葛根湯并證

陰毒形證

玉元散

退陰散

五勝散

陰毒漸深候

玉女散

還陽散

陰毒沉困候

辨少陰脉緊證

第十卷

治婦人諸疾

四物湯

枳殼散

內補丸

木香丸

白朮散

紫蘇飲

下死胎方

紫石英丸

通經丸

地黃丸 并證二方

琥珀散

桃人煎 并證

佛手散

崩中下血 二方

愈風散 并證

交加散

治諸般淋方

半夏散

蒲黃散

護胎 二方

芎藭散

麻蘇粥法

當歸散

大棗湯

鹿屑湯

療胞衣死胎不下方

治小兒諸病

小兒形證

睡驚丸

麥門冬散

白朮散

調中丸

芎朴丸

消積丸

捻念丸

扁銀丸

醒脾丸 又方

人參散

蝎梢丸

龍齒散



類證普濟本事方卷第一

治中風肝膽筋骨諸風



治肝經因虛內受風邪卧則魂散而不守狀若驚悸
真珠丸

真珠母

三分研細同碾

當歸

熟地黄

各一兩半

人參

酸枣仁

柏子仁

各一兩

犀角

伏神

沉香

龍齒

各半錢

右為細末鍊蜜為丸如梧子大辰砂為衣每服四五
十丸金銀薄荷湯下日午夜卧服

獨活湯

獨活

羌活

人參

防風

前胡

華陰細辛

五味子

沙參

白茯苓

半夏

酸枣仁

甘草

各一兩

右為粗末每服四大錢水一盞半姜三片烏梅半个同煎至七分去滓不拘時服

紹興癸丑予待次四明有董生者患神氣不寧每卧則魂飛揚覺身在床而神魂離体驚悸多魘通夕無寐更數醫而不效予為診之親詢曰鑿作何病治董曰衆皆以為心病予曰以脉言之肝經受邪非心病也肝經因虛邪氣襲之肝藏魂者也游魂為變平人

肝不受邪故魂歸于肝神靜而得寐今肝有邪魂不得歸是以卧則魂揚若離体也肝主奴故小奴則劇董欣然曰前此未之聞雖未服藥已覺沉疴去体矣願求藥法予曰公且持此說與衆醫言所治之方而徐質之閱旬日復至云醫徧議古今方書無與病相對者故予處此二方以贈服一月而病悉愈此方大抵以真珠母為君龍齒佐之真珠母入肝經為第一龍齒與肝同類故也龍齒虎睛今人例以為鎮心藥殊不知龍齒安魂虎睛定魄各有類也東方蒼龍木也屬肝而藏魂西方白虎血也屬肺而藏魄龍能變

化故魂游而不定虎能專靜故魄止而有守予謂治
魄不寧者宜以虎睛治魂飛揚者宜以龍齒萬物有
成理而不說亦在夫人達之而已矣

治中風雖能言口不喎斜而手足痺曳脉虛浮而數風
中腑也蓋風中脉則口眼喎斜風中腑則肢體廢風中
臟則性命危凡風中腑宜汗而解
星附散

天南星

薄切

白茯苓

川烏

人參

白附子

白僵蚕

沒藥

黑附子

半夏

薄切姜以上各
汁浸透等分

右為粗末每服二錢水酒各一盞同煎至八分去滓
熱服二三服汗出差頃在桐廬有人患此證三投此
藥得汗手足能舉

治體虛有風外受虛濕身如在空中
二生散

生附子

生天南星

各等分

右二味咬咀每服四大錢水一盞半生姜十片慢火
煎至八分去滓服戊午年予在新安有此疾張醫博
子發授此方三服愈

治中風忽然昏若醉形體昏悶四肢不收風涎潮于上

鬲氣閉不通宜急救

稀涎散

猪牙皂角

四挺肥寔不
蛀者去黑皮

晋礬

光明者
一兩

右細末研勻輕者半錢重者三字之溫水調灌下不大嘔吐但微之冷涎出一二升便得惺之次緩之調治不可太過之則傷人孫兆方

治中風同前證

勝金丸

生薄荷

半兩

猪牙皂角

二兩槌碎水一升二味一處搗引汁慢火熬成膏

瓜蒂末

一兩

黎芦末

一兩

朱砂

半兩研

右將硃末一分與二味研勻用膏子摻和丸如龍眼

大以餘硃為衣溫酒化一丸甚者二丸以吐為度得

吐即醒不醒者不可治必用方論中風無吐法引金

虎碧霞為戒且如卒暴涎生聲如引鋸牙關緊急氣

閉不行湯藥不能入命在須臾執以無吐法可乎但

不當用銀粉藥恐損脾壞人四肢耳子常用此三方

每之有驗

治一切風

拒風丹

川芎

四兩

防風

一兩半

天麻

甘草

各一兩

細辛 三錢半 畢撥 半兩

右細末鍊蜜和杵每服作三十九每用一粒細嚼荊芥湯或溫酒下尋常些小傷風頭痛鼻塞項強筋急皆可服予家常合老幼所須之藥

世言中氣者雖不見于方書然暴喜傷陽暴怒傷陰憂愁不意氣多厥逆往之多得此疾便覺涎潮昏塞牙閉緊急若概作中風候用藥非止不相當多致殺人元祐庚午母氏親遭此禍至今飲恨母氏平時食素氣血羸弱因先子捐館憂惱忽一日氣厥口噤涎潮有一里醫便作中風以大通丸三粒下之大下數

行一夕而去予常痛恨每見此證急化蘇合香丸四五粒灌之便醒然後隨其虛實寒熱而調治之無不愈者經云無故而瘖脉不至不治自己謂氣暴逆也氣復則已審如是雖不服藥亦可 范子默記崇寧中凡兩中風始則口眼喎斜次則涎潮閉塞左右共灸十二穴得氣通十二穴者謂聽會頰車地倉百會肩隅曲池風市足三里絕骨髮際大椎風池也依而用之無不立效

元符中一宗人得疾逾年不差謁醫于王思和繹思和具脉狀云病因驚恐肝臟為邪。來乘陽明之經

即胃是也邪盛不畏勝我者又來乘肺。緣久病氣弱全無聽受肝凌侮其病時復頭眩癩癡搐掣心胞伏涎久之則害脾氣要當平肝氣使歸經則脾不受尅脾為中州土主四肢一体之事脾氣正則土生金金旺則肺安矣今疾欲作時覺氣上衝者是肝侮肺肺不受侮故有此上衝肝勝則復受金尅故搐掣也以熱藥治之則風愈甚以冷藥治之則氣已虛肺為金。為清化便覺藏府不調今中和溫藥抑肝補脾漸可安愈今心忪非心忪也胃之大絡名曰建里絡胸鬲及兩乳間虛而有痰則動須臾時發一陣熱者

是其候也服下三方一月而愈思和名醫寓儀真時人少知者後至都下教名籍甚為醫官政和中度為黃冠終葉珠侍晨

續斷湯

續斷

杜仲

細辛

白茯苓

牛膝

肉桂

防風

白芍藥

各二兩

甘草

當歸

人參

川芎

秦艽

川獨活

熟地黃

各三兩

右為細末每服二錢水一盞生姜三片棗三枚同煎至七分空心食前稍熱服

署預丸

署預

人參

沙參

遠志

防風

真珠母

紫石英

飛研水

伏神

虎骨 各一兩

虎睛 一對二味
須真者

龍齒

細辛 華陰者

石菖蒲

五味子

丹參

右為細末煉蜜為丸如梧子大每服三十九至五十

丸金銀薄荷湯下食後臨卧服

獨活散

川獨活

白朮

白茯苓

歲蕤

秦艽

栝子仁

甘草 各一兩

犀角

川椒

熟地黄

枳寔

白芷

官桂 各半兩

人參 一分

右為細散每服二錢水一盞生姜三片枣一枚同煎

至七分不拘時服

治風在肝脾語蹇脚弱大便多秘地黄酒

熟地黄 四兩

附子

茵芋

羌活

防子

芎藭 各一兩

石斛 二兩

丹參 二兩半

牛蒡根 二兩半

牛膝

杜仲

桂枝 各兩半

大麻子 一升

右細剉入絹袋盛寬貯之用無灰酒一斗九升封漬

七日逐日空心食前飲一盞常醺勿令吐
治中風內虛脚弱語蹇

防風湯

石斛 一兩半

乾地黄

杜仲

丹參

各一兩一分

防風

川芎

麥門冬

桂心

川獨活 各一兩

右為粗末每服五錢水一大盞半棗二枚同煎至八分去滓溫服

治中風入脾肝經年四肢不遂舌強語蹇
竹瀝湯

葦靈仙

附子

桔梗

防風

蔓荊子

枳殼

川芎

當歸

各等分

右為粗末每服四錢水一盞竹瀝半盞姜三片同煎至八分去滓溫服日三四忌茗

治久風邪入肝脾二經言語不轉
防已湯

漢防已

防風

桂心

附子

各半兩

葦靈仙

麻黃 各半兩

右為粗末每服四錢水一盞引子半盞煎至七分去滓溫服日三四引子用竹瀝荊瀝地黄汁各一盞生

姜汁半盞和勻用之以上四方龐先生傳審而用之良驗

治筋急項強不可轉反

木瓜煎

宣州木瓜

二个取蓋去穢

沒藥

二兩研

乳香

一分研

右二味入于木瓜內用蓋子合了竹簽定之飯上蒸三四次爛研成膏子每服三五匙地黃酒化下生地黃汁半盞無灰上醞二盞和之用八分一盞煖熱化膏有人患此病自午後發黃昏時定予曰此患先從足起經言十二經絡各有筋惟足少陽之筋自足至

項大抵筋者肝之合也日中至黃昏天之陽中之陰也又曰陽中之陰肺也自離至兌陰旺陽弱之時故靈寶畢法云離至乾腎氣絕而肝氣弱肝腎二臟受陰氣故發于是時予授此方三服而愈同官歛丞張德操常言其內子昔患筋攣脚不得屈伸者踰年動則令人持抱求醫于泗水楊吉老云此筋病宜服下三方一年而愈

治筋急養血地黃丸

熟地黃

一錢

頑荊

一分

山茱萸

五分

黑狗脊

炙

地膚子

白朮

乾漆

蟻螬

乾炒

天雄

車前子

各三分

萆薢

山羊

澤瀉

牛膝

各一兩

右細末鍊蜜和杵丸如梧子大每服五十九丸温酒下空心夜卧服

治筋脾肢節束痛

羚羊角湯 秋服之

羚羊角

桂枝

附子

獨活

各一兩三錢半

白芍藥

防風 炙

芎藭

各一兩

右為粗末每服三大錢水一盞半生姜三片同煎至八分取清汁日服二三服

治寒冷湿痺留于筋脉攣縮不得轉仄

烏頭湯 冬服之

大烏頭

細辛

川椒

甘草

秦艽

附子

官桂

白芍藥

各七分

乾姜

白茯苓

防風 炙

當歸

各一兩

川獨活

一兩三錢半

右為粗末每服三錢水一盞半枣二枚同煎至八分去滓空心食前服

凡中風用續命排風之引竹瀝諸湯及神精丹茵芋酒之類更加以灸無不愈者然此疾積習之久非一

日所能攻皆大劑久而服之無不取效唐書載王太
 后中風喑默不語醫者蒸黃芪數斛以熏之得差蓋
 此類也今人服三五盞輒求效其責醫也速矣孟子
 曰七年之病求三年之艾久而後知耳
 治一切癱瘓風

鉄彈丸

乳香

沒藥 各一兩

川烏 一兩半

五靈脂 四兩

右先將乳香沒藥于陰涼處當風細研更用研了射
 香一錢將下二味為細末然後同前二味再碾滴水
 為丸如彈子大磁合收每服一丸薄荷酒磨下日用

三服

黑神丸

草烏頭 不去皮生

五靈脂 各等分

右為末六月六日滴水為丸如彈子大四十歲以下
 分六服病甚一九分二服薄荷酒磨下覺微麻為度
 治風客陽經邪傷膝理背脊強直口眼喎斜体熱惡寒
 痰厥頭痛肉瞶筋惕辛題車淵及飲酒過多嘔吐涎沫
 頭目眩運如坐車船常服解五邪傷寒辟霧露瘴氣爽
 惠神志諸風不生定是餅子

天麻

川烏

南星

半夏

川姜

川芎

甘草

白茯苓

等分並生

右細末生姜汁為丸如龍眼大作餅子生硃為衣每服一餅細嚼熟生姜湯下不拘時候熙豐間王丞相常服預防風疾神驗

治胆虛冷目眩頭疼心神恐畏不能觸處胸中滿悶伏神散

伏神 一兩

遠志

防風

細辛

白朮

前胡

人參

桂心

熟地黄

甘菊花

各三分

枳殼

半兩

治胆虛不得眠四肢無力

鰲甲散

鰲甲

人參

黃芪

酸枣仁

牛膝

羌活

五味子

各等分

右為細末煉蜜杵丸如梧子大每服三四十九酒下治胆虛目暗啞痛唾數眼目眩冒五色所障夢見被人訟恐懼面色變青

補胆防風湯

防風 一錢

人參 六分

細辛 五分

芎藭

甘草

伏神

獨活

前胡

各八分

右為粗末每服四大錢水一盞半棗二枚煎至八分

去滓食前服

治胆虛常多恐懼不能獨卧如人捕狀頭目不利
人參散

人參

枳殼

五味子

桂心各三分

栝子仁

熟地黄

各一兩

山茱萸

枸杞子

甘菊花

伏神各三分

右為細末每服二錢温酒調服

治肺厥狀如癰疾不醒嘔吐醒後頭虛暈發熱方

麻黃

鈎藤

取皮

石膏

乾葛

半夏麩

柴胡

甘草

枳殼

甘菊各等分

右為粗末每服四錢水一盞半生姜三片枣一枚同煎至八分去滓温服

類證普濟本事方卷之一終

類證普濟本事方卷第二

治心小腸脾胃病

治因驚言語顛錯不能服温藥宜

遠志丸

硃砂

半兩入射少許同研

金箔 五片

遠志

南星

白附子

白茯苓

酸枣仁

人參

各半兩

右為細末鍊蜜丸如梧子大硃為衣每服三十九薄荷湯下食後臨卧服

伏神散

伏神

熟地黄

白芍藥

川芎

當歸 桔梗 白茯苓 遠志

人參 各等分

右為細末每服二錢水一盞灯心枣同煎至七分不
拘時服 宋明遠教授母七十四歲因戎馬驚疾如
上證服此二方得力

寧志膏

人參 一兩 酸枣仁 一兩 辰砂 半兩 乳香 一分

右為細末鍊蜜和杵丸如彈子大每服一九薄荷湯
化下 予族弟婦緣兵火失心製此方與之服二十
九愈親舊多傳去服之皆驗

治驚憂積氣心受風邪發則牙關緊急涎潮昏塞醒則

精神若痴

驚氣丸

附子 南木香 白僵蚕 花蛇

橘紅 天麻 麻黃 各半兩 乾蝎 一分

紫蘇子 一兩 天南星 洗淨切薄片姜汁浸一夕用半兩 硃砂 一分每少許為衣

右為末入研腦射少許同研極勻煉蜜杵丸如龍眼
大每服一九金銀薄荷湯化下温酒亦可

此予家秘方也戊申年軍中一人犯法褫衣將受刃
得釋神失如痴予與一九服訖而寐及覺病已去矣

二東提轄張載揚其妻因避寇失心已數年予授此方不終劑而愈又黃山沃巡檢彥其妻狂厥者踰年更十餘鑿而不驗予授此方去附子加鉄粉亦不終劑而愈鉄粉非但化涎鎮心至如推肝邪特異若多恚怒肝邪太盛鉄粉能制伏之素問云陽厥狂怒治以鉄烙飲金尅木之意也此亦前人未嘗論及安神鎮心治驚悸消風痰止頭眩

辰砂遠志丸

石菖蒲

遠志

人參

川芎

山芋

鉄粉

天麻

半夏麴

南星 劉如穀子大麴炒黃 白附子 生各一兩 細辛 辰砂 各半兩
右為細末生姜五兩取汁入水煮和丸如棗豆大別以硃為衣乾之每服二十粒夜卧生姜湯下小兒減半服

茯苓丸

辰砂

石菖蒲

人參

遠志

伏神

白茯苓

真鉄粉

半夏麴

南星

牛胆製各等分

右為細末生姜四兩取汁和水煮糊丸如梧子大別用硃為衣乾之每服十粒加至二十粒夜卧生姜湯

下以上二方醫官都君用予常用以療心疾良驗
治心經熱小便澀及治五淋

火府丹

生地黄 二兩 木通

黃芩 各一兩

右為細末煉蜜杵丸如梧子大每服三十丸木通煎湯下此藥治淋澀臍下滿痛壬戌年一卒病渴日飲斗水不食者三月心中煩悶時已十月予謂必心經有伏熱與此藥數服五十粒溫水下越二日不覺來謝云當日一服渴止次日三服飲食如故此本治淋用以消渴信知用藥要在變通也

開胃養氣進飲食

七珍散

人參

白朮

黃芪

蜜水拌炙

山芋

甘草

粟米

微炒

白茯苓

各一兩

右為粗末每服二錢水一盞姜枣同煎至七分如故不思飲食加白扁豆一兩蒸用名八珍散 予製此方溫平不熱每有傷寒瘧疾中暑得差之後用此以調脾胃日三四服十日外飲食倍常

治脾氣久虛不進飲食停飲脇痛

麴木丸

神麴 十兩微炒 白朮 五兩土炒 乾姜 官桂

川椒 吳茱萸 各二兩

右為細末薄糊丸如梧子大每服三五十九生薑湯下食前稍空腹有飲加半夏麴二兩癸亥中予作數服自用飲食倍進

和氣調中進飲食

白朮湯

白朮 厚朴 桂心 桔梗

乾姜 人參 當歸 茯苓

甘草 各等分

右為粗末每服四錢水一盞半棗二枚煎至八分去滓不拘時服龐老方

治腰腎虛弱全不進食

二神丸

破故紙 四兩炒 肉豆蔻 二兩生

右為細末用大肥棗四十九枚生薑四兩切片同煮棗爛去姜取棗剥去皮核用肉研為膏入藥和杵丸如梧子大每服三十九鹽湯下有人全不進食服補脾藥皆不效予授此方服之頓然能食此病不可全作脾虛蓋腎氣怯弱真元衰竭自是不能消化飲食

譬如鼎釜之中置諸米穀下無火力雖終日米不熟其何能化黃魯直嘗記服兔絲子淨淘酒浸曝乾日抄數匙以酒下十日外飲嗽如湯沃雪亦此理也

溫脾散

舶上茴香炒青皮 陳艾 縮砂人

桔梗 香白芷 厚朴各一兩 木香

白朮 香附子各半兩 甘草一兩半 紅豆

良姜 麦芽 乾葛各三分

右為粗末每服一錢水一盞棗一枚煎七分食前服

治肺腎經病

肺之積名曰息責在右脇下大如杯令人洒淅寒熱喘嗽發癰疽

棗膏丸

葶藶 陳橘皮 桔梗各等分

右先以下二味為末入葶藶研勻煮肥棗肉和丸如梧子大每服五七丸飲下予常患停飲久漬肺經食已必嘔漸喘覺肺系急服此良驗

平肺氣補虛消飲

五味子丸

五味子二兩 桂心 大杏人 青皮

細辛

人參

檳榔

煨各一兩

乾姜

炮

附子 各半兩

右為細末鍊蜜丸如梧子大每服三四十九或酒或湯下空心食前日三服

定喘急肺積

葶藶丸

苦葶藶

一兩一錢

當歸

肉桂

白茯苓

乾姜

川烏頭

吳茱萸

鱉甲

大杏人

白茯苓

人參

各半兩

檳榔 一兩

右為細末煮枣肉和杵丸如梧子大每服二三十丸

姜枣湯下日三四服不拘時

治多年肺氣喘急

紫金丹

信砒 半錢飛

豆豉

畧潤少成膏

右用膏子和砒同杵極勻凡如麻子大每服十五丸小兒量大小與之並用蠟茶 原本失五字 臨卧以知

為度有一親戚婦人患十年而醫者皆不效忽有一道人貨此藥漫贖一服是減半數服頓愈遂多金丐得此方予屢用以救人特為神異

治肺虛寔不調鼻塞多涕咽中有涎而喘項強筋急或

痛

細辛湯

細辛

半夏麴

茯苓

桔梗

各四錢

桂枝 三錢

甘草 二錢

右為粗末每服四錢水二盞生姜四片蜜半匙同煎至七分溫日三服

治肺癰吐膿血作臭氣胸乳皆痛

升麻湯

川升麻

桔梗

薏苡仁

地榆

子芩

牡丹皮

芍藥

各半兩

甘草

三分

右剉粗末每服一兩水一升半煎五合去滓日三服

治肺喘久不息賁五靈丸

五靈脂

二兩半

木香

半兩

葶藶

一分

馬兜零

去壳炒一分

右為細末枣肉和丸如梧子大每服二十丸生姜湯下日三服

脾惡濕腎惡燥如硫黃附子鍾乳鉛丹之類皆剛劑人用之以助陽補接真氣則可若云補腎則正腎所惡者古人製方益腎皆滋潤之藥故仲景八味丸本謂之腎氣丸以地黃為主又腎陽之類皆正補腎經也近世盛行香茸丸可補腎經亦有數方其後

蔡太師所服香茸丸

鹿茸

熟地黄 各二兩

附子

茯苓

破故紙

當歸 各一兩

沉香 半兩

射香 一錢

右為末入射研勻煉蜜杵丸如梧子大每服三五十九空心鹽湯下

又方

鹿茸 二兩

沉香

人參

白芍藥

熟地黄

生地黄

茯苓

牛膝

澤瀉

大附子

當歸 各一兩

射香 一錢

右為細末酒糊丸如梧子大每服五十九鹽酒鹽湯

下

又方

熟地黄

五兩

兔絲子

四兩 別末

鹿茸

三兩

附子

二兩

沉香 一兩

右為細末入射半錢煉蜜杵丸如梧子大每服三十丸至五十九鹽酒鹽湯下

治腎氣上攻項背不能轉移

椒附散

大附子 一枚六錢以上者炮去皮臍末之

右每末二錢好川椒二十粒用白麩填滿水一盞半

生姜七片同煎至七分去椒入鹽通口空心服
 一親患項筋痛連及背皮不可轉服諸風藥皆不效
 予嘗憶千金有腎氣攻背予強證與之兩服頓差自
 後與人皆有驗蓋腎氣自腰夾脊上至曹谿穴然後
 入泥丸宮曹谿一穴非精于搬運者不能透今逆行
 至此不得通用椒以引歸經則安矣蕭氣上達椒下
 達詩言椒聊且貽我握椒皆此意矣
 治腎經虛腰不能轉仄

麋茸

一兩如無以鹿茸代之

兔絲子

取末一兩

舶上茴香

半兩

右為末以羊腎一對法酒煮爛去膜研如泥和丸如

梧子大陰乾如腎膏少入酒糊佐之每服三五十九
 溫酒鹽湯下

戊戌年八月淮南大水城下浸灌者連月予忽藏府
 不調腹中如水吼數日調治得愈自此腰痛不可屈
 折雖頰面亦相妨服徧藥不效如是凡三月予後思
 之此必水氣陰盛腎經感此而得乃灸腎窠三七壯
 服此藥差

治腎虛或時脚腫兼治脾氣

地黄丸

熟地黄

二兩半

肉蓯蓉

白茯苓

澤瀉各三

桂枝 附子各半 五味子 黄芪獨莖者一兩

右為細末鍊蜜杵丸如梧子大每服五十九丸空心酒下食前再服

治腎虛足膝無力

青鹽丸

茴香 三兩 兔絲子末四兩 乾山藥 二兩 青鹽 一兩

右將兔絲子洗淘無灰酒浸日中煎七分冬天近火煨之晒乾別末將餘藥末和勻酒糊丸如梧子大每服三五十丸鹽酒鹽湯下予頃常服數年力壯食加有一婦人足躄曳因服此藥履地如故

補益虛勞方

治肝腎俱虛收斂精氣補真戢陽充悅肌膚進美飲食
五味子丸

五味子 川巴 人參 兔絲子 熟地黄 白朮 益智仁炒 肉蓯蓉

牡蠣以上各等分 骨碎補洗去毛 覆盆子

右為細末煉蜜杵丸如梧子大焙乾每服三十九丸空心食前米飲下日二三服此藥補氣止汗

平補五藏虛羸六府怯弱充肌膚進飲食
人參丸

人參

山芋

白朮

白茯苓

石斛

黃芪

取頭末

五味子

各一兩

右為細末鍊蜜丸如梧子大每服三十丸空心食前飲下久服不熱尤宜少年

補血益氣治虛勞少力

雙和散

黃芪

熟地黄

當歸

川芎 各一兩

白芍藥

二兩

官桂

甘草

各三分

右為粗末每服四大錢水一盞半生姜三片肥棗一枚煎至八分去滓服予製此方止是建中四物二方

而已每傷寒瘧疾中暑大病之後虛勞氣乏者以此調治皆驗不熱不冷溫而有補

黑錫丸

此丹陽慈濟貞方

黑鉛 三兩

舶上茴香

附子

川練肉

胡芦巴

各一兩

硫黃

三兩

木香

沉香

巴戟

各半兩

破故紙

一兩

肉豆蔻

一兩

右將砂子研細餘藥末研勻入碾自朝至暮以黑光色為度酒糊丸如梧子大陰乾布袋內探令光瑩如丈夫元藏虛冷真陽不固三焦不和上熱下冷夜夢鬼交覺來盜汗面無精光肌体燥澁耳內虛鳴腰疼

痛心氣虛精神不寧飲食無味日漸瘦悴膀胱久冷
 夜多小便婦人月事愆期血海久冷惡路不止赤白
 帶下及陰毒傷寒面青舌卷陰縮難言四肢厥冷不
 省人事急用枣湯吞下一二百丸即便回陽命無不
 活但是一切冷疾鹽酒鹽湯空心吞下三四十丸婦
 人艾醋湯下此藥大能調治榮衛升降陰陽安和五
 藏洒陳六府補損益虛向陽返陰功驗神効

石斛散

石斛 四錢

牛膝

栢子仁

五味子

治虛勞羸瘦乏力不食倦怠多驚畏

遠志

木香

杏仁

肉蓯蓉

訶子

陳皮

熟地黃

人參 各三錢

乾姜

一錢半

白茯苓

柴胡 炒

甘草 各二錢

神曲

麥芽

各六錢

右為細末每服二錢米飲調下日三服

治虛損補精髓壯筋骨益心智安魂魄令人悅澤駐顏
 輕身延年益壽閉固天癸

八仙丹

伏火硃砂

真磁石

赤石脂

代赭石

石中黃

禹餘糧

五味並用醋淬

乳香

沒藥

各一兩

右為細末勻研極細糯米濃飲丸如梧子大或如豆
大每服一粒空心鹽湯下有人年幾七旬夢漏羸弱
憊然虛損得此方服之忽然強壯精氣固閉飲食
如故予常製自服良驗

治頭痛頭暈方

治風眩頭暈

川芎散

山茱萸

一兩

山藥

甘菊花

人參

伏神

小川芎

各半兩

右細末每服二錢酒調下不拘時候日三服不可悞

用野菊龐先生方

治肝厥頭暈清頭目

鈎藤散

鈎藤

陳皮

半夏

麥門冬

茯苓

伏神

人參

甘菊花

防風

各半兩

甘草

一分

石膏

一兩

右為粗末每服四錢水一盞半生姜七片煎八分去
滓溫服

治腎氣不足氣逆上行頭痛不可忍謂之腎厥其脉舉
之則弦按之石堅宜用

玉真丸

硫黃 二兩

石膏

煨通赤研

半夏

湯洗各一兩

硝石

一分半

右為細末研勻生姜汁糊丸如梧子大陰乾每服二十丸姜湯或米飲下更灸關元穴百壯

良方中黃丸子亦佳素問云頭痛巔疾下虛攻寔過在足少陰巨陽甚則入腎狗蒙招搖目瞑耳聾下寔上虛過在足少陽厥陰甚則在肝下虛者發虛也故腎厥則頭痛上虛者肝虛也故肝虛則頭暈狗蒙者如以物蒙其首招搖不定目眩耳聾皆暈之狀也故肝虛頭暈腎厥巔痛不同如此治肝厥鈎藤散在前

治氣虛頭痛

大附子一枚剝去心全蝎二个入在內以取者附子末同鍾乳粉一分麩少許水和裹炮熟都碾為末以焦黃為度葱茶調下一錢或半錢甚效

又方

大川芎

二个剉作四片

大附子

一个和皮生為末

右以水和附子末如麩劑裹芎作四處如附子末少入少麩裹畢以針穿數孔用真腦射熏有穴處內香再捻合穴子如未覺內有香即再熏一炷細羅灰用銚子內熱灰炮熟末之每服半錢葱茶調下不拘時

候右泗醫楊古老二方神良

又方

好川芎半兩為末每服二錢臈茶清調下甚捷曾有
婦人產後頭痛一服愈

治氣虛頭暈

白芷丸

白芷

石斛

乾姜

各一兩半

細辛

五味子

厚朴

肉桂

防風

茯苓

甘草

陳皮

各一兩

白朮

一兩一分

右為細末煉蜜丸如梧子大每服三十丸清米飲下

不飢不飽服鄉人邵致遠年八十有三有此疾得此

方數服即愈楊古老傳

治風寒客于頭中偏痛無時疼牽引兩目遂致失明宜

白附子散

白附子

一兩

麻黃

不去節

川芎

南星

各半兩

全蝎

五个

硃砂

射香

各一分

右為細末酒調一字服之去枕少時此方見必用方
庚寅年一族人患頭痛不可忍一服即差

治一切頭旋因本體風邪乘于陽經上注于頭面遂入
于腦亦因痰水在于胸膈之上犯大寒使陽氣不行痰

水結聚上衝于頭目令頭旋
羚羊角散

羚羊角 伏神 各一兩 芎藭 防風

半夏 湯柴洗 白芷 甘草 各半 枳殼

附子 各一分

右為粗末每服四錢水一盞半生姜半分慢火煎至

七分去滓不拘時溫服

治虛風頭旋吐涎不已

養正丹

黑鉛 水銀 硫黃 硃砂 各一兩

右用建盞一隻火上鎔化成汁次下水銀用柳枝條

打勻取下放少時下二味末打勻令冷取下研為粉

用米飲丸或用枣肉丸如梧子大每服三十丸鹽湯

下此藥升降陰陽補接真氣非止頭旋吐涎而已

治一切中風頭疼

黑龍丸

天南星 洗 川烏 各半斤黑豆蒸三次 石膏 半斤

麻黃 乾薄荷 各四兩 藁本

白芷 各二兩 京墨 一兩半

右為細末鍊蜜杵丸如彈子大每服一丸薄荷茶湯

嚼下

卷

鈔本

類證普濟本事方卷之二終

類證普濟本事方卷第三

風寒濕痺白虎癱節走注諸病

治風濕四肢浮腫肌肉麻痺甚則手足無力筋脉緩急

續斷丸 邵君子方

川續斷

萆薢

當歸

切微炒

附子

防風

天麻 各一兩

乳香

沒藥

各半兩

川芎 三分

右細末鍊蜜丸如梧子大每服三四十九丸或酒或飲下空心食前服

治榮衛澁少寒濕從之痺滯關節不利而痛者

增損續斷丸 王吉老方

川續斷 薏苡仁 牡丹皮 桂心

山芋 白茯苓 黃芪 山茱萸

石斛 麥門冬 各一兩 乾地黄 三兩 人參

防風 白朮 炮 鹿角膠 各七錢

右為紅末煉蜜丸如梧子大每服三四十九溫酒下

空心食前服

治風寒溼痺麻木不仁

粥法

川烏 生為末

右用香熟白米作粥半碗葉末四錢慢火熬熟稀薄
不更調下姜汁一茶匙許蜜三大匙攪勻空心啜之
溫為佳如是中濕更入薏苡仁末二錢增米作一中
碗服

此粥治手足四肢不遂痛重不能舉者有此證預
服防之左氏云風淫末疾謂四肢為四末也脾主四
肢風邪客于肝則淫脾為肝剋故疾在末穀氣引
風溫之葉徑入脾經故四肢得安此湯劑極有力予
常製此方以授人服者良驗

治濕傷腎不養肝自生風遂成風濕流注四肢筋

骨或入左肩髃肌肉疼痛入右指中
薏苡仁散

薏苡仁 一兩 當歸 小川芎 乾姜

甘草 官桂 防風 茵芋

人參 羌活 白朮 麻黃

獨活 各半兩

右為末每服二錢空心臨卧酒調下日三服

治五種痺腿步臂間發作不定此脾胃虛衛氣不溫肌
肉為風寒濕所著

芎附散

小川芎 附子 黃芪 白朮

防風 熟地黃 當歸 桂心

柴胡 甘草 各等分

右為末末每服四錢水一盞半生姜三片枣一枚同
煎七心去滓食前日三服常服不生壅熱兼消積冷

治白虎一應節諸風疼痛游行無定狀如虫嚙晝靜夜劇
及一切手足不測疼痛

麝香丸

川烏 大八角者三个生用 全蝎 二十一个生用

黑豆 二十一粒生用 地龍 半兩生用

右為細末入射半字同研糯米糊為丸如菘豆大每服七丸甚者十九夜卧令鬲空温酒下微出冷汗一身便差

予得此方凡是癱節及不測疼痛一二服便差在歙州日有一貴家婦人徧身走注疼痛至夜則發如虫啗其肌多作鬼邪治予曰此正癱節病也三服愈

癱節宜發汗

麻黃散

麻黃

薤活

黃芩

細辛

真華陰者

黃芪

各半兩

各一兩

三分

右為粗末每服五錢水二盞煎至八分去滓温服接

續三四服有汗慎風

治癱節腫滿疼痛

茵芋丸

茵芋

硃砂

薏苡仁

各一分

牽牛子

郁李仁半兩

右細末煉蜜杵丸如梧子大輕粉裹為衣每服十九至二十九至三十九五更初温水下到晚未利可二三服快利為度白粥將息

治風熱成癱節攻手指作赤腫麻木甚則攻肩背兩膝

遇暑熱或大便閉即作
牛蒡子散

牛蒡子 三兩

新豆豉 炒

羌活 各一兩

生地黃

二兩半

黃芪 一兩半

右為不湯調二錢空心食前日三服此病多胸膈生
痰久則赤腫附者肢節久不退遂成厲風此孫真
人所戒也宜早治之

治厲風手指攣曲節間痛不可忍漸至斷落

草麻法

草麻 去壳

黃連 剉如豆各二兩

右以小瓶子入水一升同浸春夏三日秋冬五日後
用草麻子一粒擘破面東以浸藥水吞下平旦服漸
加至四五粒微利不妨水少更添忌動風物累用得
效神良

治厲風心葉丸

柏葉

麻黃

山梔子

枳殼

羌活

羊肝石

白蒺藜

升麻

子芩

防風

牛蒡子

荆芥

充蔚子

大黃 各半兩

苦參 一兩

烏蛇 一條

右為細末每服二錢溫水調下日七八服麗老方

治風毒瘡如大風疾
綠靈散

用桑葉洗蒸熟日乾為末水調二錢服日四五服時
出經驗

治走疰癱節諸風軟痛卒中倒地跌撲損傷

趁痛丸

草兩頭 三兩半去皮尖

熟地黄

南星

半夏麩

白僵蚕

烏葉

各半兩並日乾

右為細末酒糊丸如梧子大日乾每服五七粒空心
夜卧温酒下如跌撲痛用姜汁和酒研十數粒搽之

如卒中倒地姜汁茶清研五六丸灌下立醒大智禪

師十

治宿患風癩徧身黑色肌体如木皮膚粗澁及四肢麻

痺宜服

烏頭丸

草烏頭一斤入竹籬子內以水浸用瓦子于籬子內
就水中瀧洗如打菱角法直候瀧洗去大皮及尖腔
起令乾用麻油四兩鹽四兩入銚內炒令深黃色傾
出油只留鹽并烏頭再炒令黑色烟出為度取一枚
擘破心內如米一點白恰好也如白多再炒趁熱杵

羅為末用醋糊丸如梧子大乾之每服三十九空心
晚食前温酒下真州資福文雅白老元祐間有此疾
服此數年肌体黑點頓除脚力強健視聽不衰有一
宗人遍身紫點風身如墨服踰年体悅澤教予服之
亦得一年許諸風瘡癩瘍皆除然性差熱雖製去毒
要之二七日作烏豆粥啜之為佳法用豫章集中者

治風痰停飲痰癖嗽

治停痰宿飲化痰丸

半夏

湯洗三次別末

人參

白茯苓

白朮

桔梗

切小片姜汁浸各一兩

枳實

香附子

前胡

甘草 各半兩

右紅末用半夏姜汁煮糊丸如梧子大每服三四十
丸姜湯下

治中脘瓜痰涎飲眩暝嘔吐酸水頭痛惡心
三生丸

半夏 二兩

南星

白附子 各一兩

右並生為末滴水丸如梧子大以生麩衮衣陰乾每
服十丸至二十丸生姜湯下

治心腹中脘痰水冷氣心下汪洋嘈雜腸鳴多睡口中
清水自出脇肋急脹痛不欲食此胃氣虛冷所致其脉

鈔本

沉弦細遲

旋覆花湯

旋覆花

細辛

橘皮

桂心

人參

甘草

桔梗

白芍藥

半夏 各半兩

赤茯苓 三分

右為末每服四錢水一盞半生姜七片煎八分去

滓溫服

治心下停飲冷痰頭目暈眩睡卧口内多涎

栝榔丸

栝榔 三分

丁香

半夏 一兩

細辛

乾姜

人參 各半兩

右紅末姜汁煮糊丸如梧子大每服二三十丸姜湯

下日三服

治酒癖停飲吐酸水

乾姜丸 聖惠方

乾姜

葛根

枳殼

橘紅

前胡 各半兩

白朮

半夏麩

山萸肉

甘草 各一分

右細末煉蜜丸如梧子大每服三十丸用飲下甲寅年服上二方有效

治積聚停飲痰水生虫久則成反胃及變為胃癰其說
在靈樞及巢氏病源

芫花丸

芫花

醋製乾
秤一兩

乾漆

狼牙根

桔梗炒黃

藜蘆

炒

栴榔各半兩

巴豆

十粒去壳
炒微黑

右為細末醋糊丸如赤豆大每服二三丸加至五六

丸食前姜湯下

此方常服化痰消堅殺虫予患飲癖三十年暮年多
嘈雜痰飲來潮即吐有時急飲半盞即止蓋今此證
也因讀巢氏病源論酒癥云飲酒多而食穀少積久

漸瘦其病常思酒不得酒即吐多睡不復能食是胃
中有虫使然名為酒癥此藥治之要之須禁酒即易
治不禁無益也予平生有二疾一則藏府下血二則
鬲中停飲下血有時而止停飲則無時始因年少時
夜坐為文左向伏几案是以飲食多墜向左邊中夜
以後稍困乏必飲兩三杯既卧就枕又向左邊側睡
氣壯盛時殊不覺三五年後覺酒止從左邊下瀉
有聲脇痛飲食殊減十數日必嘔吐數升酸水暑月
止是右邊身有汗藜、常潤左邊病處絕燥徧訪名
醫及海上方服之少有驗間或中病止得月餘復作

其補則有天雄附子礬石其利則如牽牛甘遂大戟
備嘗之矣予復揣度之已成癰囊如潦水之有科臼
不盈科不行水盈科而行也清者可行濁者依前停
留蓋下無路以決之也是以積之六七日必吐而去
稍寬數日復作脾土也惡濕而水則流濕莫若燥脾
以勝濕崇土以填科則此疾自去矣于是悉屏諸藥
一味服蒼朮三月而疾除自此一向服數年不吐不
嘔胸膈寬飲啖如故暑月汗周身而身涼飲亦當中
下前此飲漬其汗目亦多昏眩其後燈下能書細字
皆蒼朮之力也

其法蒼朮一斤去皮切末之用生麻油半兩水二盞
研濾取汁大棗十五枚煮爛去皮核研以麻汁勻研
成膏搜和入白熟杵丸如梧子大乾之每日空腹用
溫湯吞下五十丸加至一百丸二百丸忌桃李雀鴿
初服時必膈微燥且以茅朮製之覺燥其進山梔散
一服久之不燥矣予服半年以後止用燥烈味極辛
者削去皮不浸極有力亦自然不燥也山梔散用山
梔子一味乾之為末沸湯點服故知久坐不可伏向
一邊時或運動亦消息之法
治肺氣風寒作嗽

紫蘇散

紫蘇

桑白皮

青皮

五味子

杏仁

麻黃

甘草 各等分

右為粗末每服二錢水一盞煎至七分溫服

利膈去涎思食止嗽

訶子湯

訶子

煨去核

青皮

麥門冬

各半兩

栝榔 四个

半夏 三分

甘草 一分

右為粗末每服四錢水二盞生姜七片同煎至七分

去滓溫日三服

治諸嗽久不差

貝母湯

貝母

一兩去心姜製半日焙

黃芩 生用

乾姜

生各一兩

陳皮

五味子 各一兩

桑白皮

半夏

柴胡

桂心 各半兩

木香

甘草

各一分

右為粗末每服五錢水一盞半杏仁七粒去皮尖碎之生姜七片同煎至八分去滓熱服

黃師文云戊申冬有蔣姓者其妻積年嗽製此方授之一服差以此治諸嗽悉皆愈

積聚凝滯五噎膈氣

大抵治積或以所惡者攻之以所喜者誘之則易愈如
硃砂水銀治肉積神曲麦芽治酒積水蛭蜜虫治血積
木香栝榔治氣積牽牛甘遂治水積雄黃膩粉治涎積
礞石巴豆治食積各從其類也若用群隊之藥分其勢
則難取效嗣宗所謂譬猶獵不知兎廣絡原野異一人
獲之術亦踈矣須是認得分明是何積聚然後增減用
藥不爾又有所損嗣宗自謂不著書在臨時通變也
治五種積氣及五噎胸膈不快停痰宿飲

纏金丹

丁香

木香

沉香

栝榔

官桂

胡椒

硃砂研

白丁香各二分

肉豆蔻

飛礬各一分

馬兜零炒

南星

五靈脂

瓜蒌根

半夏各半兩

硃砂三分每半為衣

右為細末入二味研藥和勻生姜汁煮糊丸如梧子
大每服三丸生姜湯下或乾嚼葡萄下

治心下蓄積痞悶或作痛多噫敗卵氣

枳殼散

枳殼

白朮各半兩

香附子一兩

栝榔三錢

右為細末每服二錢米飲調下日三服不拘時候
老方

鈔本

治伏積注氣發則喘悶

訶子丸

訶子

白茯苓

桃仁

枳殼

桂心

栝榔

鰲甲

桔梗

白芍藥

川芎

川烏

人參

橘紅 各等分

右細末煉蜜杵丸如梧子大酒下二十九丸熟水亦得

治一切積聚有飲心痛

礪砂丸

礪砂

京三稜 別末

乾姜

香白芷

巴豆 去油各半兩

大黃 別末

乾漆 各一兩

木香

青皮

胡椒 各一分

栝榔

肉豆蔻 各一個

右為細末釀醋二升煎巴豆五七沸後下三稜大黃

末同煎五十沸入礪砂同煎成稀膏稠稀得所便入

諸藥和勻杵丸如菉豆大年深氣塊生姜湯下四五

丸食積熟水下白痢乾姜湯下赤痢甘草湯下血痢

當歸湯下葱酒亦得

治男子婦人患食勞氣勞遍身黃腫欲變成水及久患

痿痺小腸膀胱面目悉黃

紫金丹

胆礬 三兩

黃蠟 一兩

青州枣 五十個

右于磁器內用頭醋五升先下礬枣慢火熬半日以
來取出枣去皮核次下蠟一處更煮半日如膏入好
臘茶末二兩同和丸如梧子大每服三十丸茶酒任
下如久患漏風痔漏陳茶飲下

宗室趙彥才下血面如蠟不進食蓋酒病也授此方
服終劑而血止面色鮮潤食亦倍常新安有一兵士
亦如是與三百丸作十服亦愈

治沉積感應丸

丁香

木香

各半兩

乾姜

一兩

百草霜

二兩研

肉豆蔻

二十個

巴豆

七十粒取霜

杏仁

一百四十粒

煮酒臈

四兩

麻油

一兩秋冬增半兩臈減半兩

右以二香姜蔻為細末并三味研極勻煉油蠟和成
劑油紙裹旋圓如菜豆大熟水下五十九丸此藥近年
盛行于世有數方惟此真高予家得之于王景長用
之的有效

治五種積氣三焦痞塞胸膈滿悶背脊引疼心腹膨脹
脇刺痛飲食不下噎塞不通嘔吐痰逆口苦吞酸羸瘦
少力短氣煩悶常服順氣寬中消痞癖積聚散驚憂恚
氣宜服

枳殼散

枳殼

荊三稜

橘皮

益智仁

蓬莪木

檳榔

肉桂

各一兩

乾姜

厚朴

甘草

青皮

肉豆蔻

木香

各半兩

右為細末每服二錢水一盞生姜三片棗一枚同煎

至七分熱服鹽點亦得不拘時

治氣食憂勞思慮五噎噎氣丸

半夏

桔梗

各二兩

肉桂

枳殼

各一兩半

右細末姜汁和丸如梧子大姜湯下三十九食後臨

卧服

治胸膈悶塞作噎噎氣丸

麥門冬

甘草

各半兩

人參

桂心

細辛

川椒

遠志

去心炒

附子

乾姜

各二錢

右細末蜜丸如鷄豆大綿裹一丸含化食後日夜三

服

膀胱疝氣小腸精漏

治膀胱疝氣外腎腫脹痛不可忍念珠丸

乳香

硃砂

飛各三錢

黃蠟

一兩

右乳香研細礶砂同研勻鎔蠟和丸作一百單八粒以線穿之露一夜次日蛤粉為衣旋取一丸用乳香湯吞下

頃年有人貨疝氣藥肩上担人我二字以為招目貨日數千文有一國醫多金得之用之良驗

礶砂丸

木香

沉香

巴豆肉

金者各一兩

青皮

二兩不去皮

銅青

半兩研

礶砂

一分研

右上二香青皮三味細剉同巴豆慢火炒令紫色為度去巴為末入青砂二味研勻蒸餅和丸如梧子大

每服七丸至十九丸鹽湯吞下二三服空心食前服

治膀胱腫硬牽引疼痛及治小腸氣陰囊腫毛間水出

金鈴丸

金鈴子肉

五兩

小茴香

炒

馬蘭花

炒

兔絲子

海蛤

破故紙

海帶

各三兩

木香

丁香

各一兩

右細末糊丸如梧子大每服二三十丸溫酒鹽湯下空心食前服

治小便難小腸脹不急治殺人

右用葱白三斤細剉炒令熟以帕子裹分作兩處更

替熨臍下即通

治膀胱氣痛

茴香散

茴香

金鈴子肉

蓬莪朮

荆三稜

各一兩

甘草

炙半兩

右細末每服二錢熱酒調下強幼安云每發痛甚連日二三服即立定

頃在徽城日歎尉宋荀甫膀胱氣作疼不可忍鑿者以剛劑與之疼愈甚小便不通三日矣臍下虛脹心悶予因候之見其面赤黑脉洪大予曰投熱藥太過

陰陽痞塞氣不得通為之奈何宋尉尚手持四神丹數粒云醫者謂痛不止更服此予曰若服此定斃後無悔渠懇求治予遣有五苓散一兩許分三服易其名用連鬚葱一莖茴香一撮鹽一錢水一盞半煎分三服令連續中夜下小便如黑汁者一二升臍下寬得睡翌日診之脉已平矣續用礪砂丸與之數日差大抵此疾因虛得之不可以虛而驟補葉經云邪之所湊其氣必虛留而不去其病則寔故必先滌所蓄之邪然後補之是以諸方皆借巴豆氣者蓋謂此也治遺精夢漏閉鎖不固

金鎖丹亦名茴香丸

舶上茴香 胡芦巴

破故紙

白龍骨

各一兩

木香 一兩半

胡桃肉

三七個

羊石子

三對切開鹽半兩
擦炙熟研如膏

右五味為末下二味同研成膏和酒浸蒸餅杵熟丸如梧子大每服三五丸空心溫湯下

治經絡熱夢漏心忪恍惚馬熱清心丸

好黃蘗皮

右為細末用生腦子一錢同研勻煉蜜丸如梧子大每服十丸至十五丸濃煎麥門冬湯下大智禪師方夢遺不可全作虛冷亦有經絡熱而得之也

猪苓丸

右用半夏一兩破如豆大用木猪苓四兩先將一半炒半夏黃色不令焦地上出火毒半日取半夏為末糊丸如梧子大候乾更用前猪苓末二兩炒微裂同用不泄砂瓶養之空心溫酒鹽湯下三四十九丸常服于甲未間冷酒下

此藥治夢遺有數種下部虛憊精不禁者宜服茴香丸年壯氣盛久節淫慾經絡壅滯者宜服清心丸有情慾動中經所謂所願不得名曰白淫宜良方茯苓散正如瓶中煎湯氣盛盪溢者如瓶中沸湯而溢慾

動心邪者如瓶之傾側而出虛憊不禁者如瓶中有罅而漏不可一概用藥也又有一說經曰腎氣閉即精泄素問云腎者作強之官伎巧出焉又曰腎氣藏精蓋腎能攝精氣以生育人倫者也或斂或散皆主于腎今也腎氣閉則一身之精氣無所管攝故妄行而出不時也猪苓丸一方正為此設蓋古方也今盛行于時而人多莫測其用藥之意蓋半夏有利性而猪苓導水蓋腎導氣使通之意也予藥囊中常貯此藥緩急以與人三五服皆隨手而驗林監丞庇民亦數服而愈

說

類證普濟本事方卷之三 終

類證普濟本事方卷第四

反胃嘔吐

治反胃附子散

附子一枚極大者坐于埽上四面着火漸々逼熱淬
入生姜自然汁中再用火逼再淬約盡姜汁半碗焙
乾末之每服二錢水一盞粟米少許同煎七分不過
三服

鯽魚散

大鯽魚一個去腸留胆納綠礬末填滿縫口以炭火
炙令黃色乾為末每服一錢米飲調下日三服

定嘔吐利鬲枇杷散

枇杷葉去毛人參各一錢 茯苓半兩 茅根二兩切 半夏一錢切

右細剉每服四錢水一盞半生姜七片慢火煎至七分去滓入枳榔末半錢和勻服之龐老方
食後多吐欲作反胃

白木散

澤瀉 白木 茯苓各等分

右為細末每服一錢湯調溫服

治胃熱嘔吐竹茹湯

乾葛三兩 甘草三錢 半夏三錢 姜汁半盞 漿水一升 煮耗半

右粗末每服五錢水二盞姜三片竹茹一團大棗一枚同煎至一盞去滓溫服

有熱者手足心熱政和中一宗人病傷寒得汗身涼數日忽嘔吐葉與飲食俱不下醫者皆進丁香藿香滑石等葉下咽即吐予曰此正汗後餘熱留胃腕孫兆竹茹湯正相當耳急治葉與之即時愈良方槐花散亦相類

治霍亂吐瀉不止及轉筋諸葉不效者一丸治一人
青金丹

硫黃 一兩研 水銀 八錢

右二味銚子內炒柳木篋子不住攪勻更以柳枝蘸冷醋頻之洒候如鉄色法如青金塊方成刮下再研如粉留小半為散餘以粽子尖三個醋約半盞研稀稠成所成膏和丸如雞豆大硃為衣每服一丸煎丁香湯磨化下熱服如服散子丁香湯調下一錢傷寒陰陽乘伏用龍腦冷水磨下日二三服

治嘔吐不止香靈丸

丁香

好辰砂

研各六錢

五靈脂

四錢

右香脂先為細末後入砂再研勻狗胆或猪胆為丸

如鷄豆大每服一丸生姜橘皮湯磨下

臟腑瀉滑及諸痢

治脾胃不和泄瀉不止諸藥不效訶子丸

訶子皮

川姜

肉豆蔻

龍骨

木香

赤石脂

附子 各等分

右細末糊丸如梧子大每服四十丸米飲下

治脾胃中風濕藏府泄滑鞠翳丸

芎藭

神曲

白朮

附子

各等分

右為細末用糊丸如梧子大每服三五丸米飲下
左氏述楚子園蕭之將潰無社告申叔展曰有麥麩

乎有山麩乎麩蕝蕝也意欲令逃水中以避禍是
知芎藭能除濕予嘗加木附以製方治脾濕而泄者
萬無不中此藥亦治殮泄素問曰春傷於風夏必殮
泄殮泄者食穀不化蓋春木旺時肝生風邪淫于脾
經至夏取涼當風故多殮泄此藥尤宜

磨積止泄痢治心腹冷痛陳麩丸

陳麩 一兩半

乾姜

官桂

白朮

當歸

厚朴

人參

甘草

各半兩

右為末煉蜜丸如梧子大每服三四十九或酒或淡
醋湯下空心食前日二服發時不時增數

治冷氣下瀉木香丸

木香

半兩

川烏

一兩生

右細末醋糊丸如梧子大陳皮醋湯下三五十九

治痼冷在腸胃間連年腹痛泄瀉休息無時服諸熱藥
不效宜先取去然後調治易差不可畏虛以養病也宜
溫脾湯

厚朴

乾姜

甘草

桂心

附子

生各二兩

大黃

生四錢研切湯一盞漬半日
搗去滓煎湯時和滓下

右細剉水二升半煎八合後下大黃汁再煎六合去
滓澄去脚不要晚十分三服溫。自夜至曉令盡不

慢食前更以乾姜丸佐之

乾姜丸

乾姜

巴豆

去心炒黃研

大黃

人參

各一兩

右除巴豆餘為末同研煉蜜丸如梧子大服前湯時用湯吞下一丸米飲亦可

有人因憂愁中傷食結積在腸胃故發吐利自後至暑月稍傷則發暴下數日不已玉函云利至隔年月日不期而發者此為有積宜下之止用溫脾湯尤佳如難取效可佐以乾姜丸後服白朮散

右細末入射少許研勻陳米飲下二錢佛智和尚傳

云閩人嘗合以濟人治血痢尤奇

治腎泄五味子散

五味子

二兩

吳茱萸

半兩細粒綠色者

右二味炒香熟為度細末每服二錢陳米飲下頃年有一親識每五更初欲曉時必溲痢一次如是數月有人云此名腎泄腎感陰氣而然得此方服而愈

虛熱風壅喉閉清利頭目

治虛煩上盛脾肺有熱咽喉生瘡利鬲湯

鷄蘇葉

荊芥穗

防風

桔梗

人參

牛蒡子

隔紙炒

甘草

各一兩

右細末每服一錢沸湯調服如咽痛口瘡甚者加僵
蚕一兩國醫都君子方

治風盛鼻壅鼻塞清涕熱氣攻眼下淚多眵齒間緊急
作偏頭疼川芎散

川芎

柴胡各一兩

半夏曲

甘草炙

甘菊

細辛

人參

前胡

防風各半兩

右為粗末每服四錢水一盞生姜四片薄荷五葉同
煎至七分去滓溫服

治頭痛面赤煩悶咽乾上鬲風痰頭目昏暈百節疼痛

背項拘急芎辛丸

川芎

防風

僵蚕

獨活

各一兩

桔梗

三兩

天麻

四兩

細辛

白附子

羌活

甘草

各半兩

薄荷

荆芥

各一兩

右細末煉蜜丸如梧子大每服一丸茶酒吞下食後
服

白朮散

白朮

木香

附子

人參

各等分

右細末每服二錢水一盞生姜三片枣一枚煎六分
溫服

治積痢靈砂丹

硃砂一分 硃砂一分並研極細

右用黃蠟半兩巴豆三七粒去殼皮膜同于銀石器內重湯煮一伏時候巴豆紫色為度去二七粒止將一七粒與前來二味同研極勻再鎔蠟置葉每旋丸如菜豆大每服三丸至五丸水瀉生姜湯下白痢艾湯赤白烏梅湯服時須極空腹服畢一時不可吃食臨卧尤佳次食淡粥一日瘡疾乳香湯下不發日晚間面東服

此藥不動氣服之瀉者止痢者斷疼者愈有積者內

消亦不動藏府大凡痢有沉積者不先去積雖暫安後必為害記陳侍郎涇仲庚戌秋過儀真求診初不覺其有疾及診視則肝脉沉弦附骨取則牢予曰病在左脇有血積必發痛陳曰誠如是前此守九江被召冒暑涉長江暨抵行朝血痢已數日矣急欲登對鑿者以剛劑燥之雖得止數日臍下塊大如杯不旬日如碗大發則不可忍故急請公詞以歸為之奈何予曰積痢不可強止非抵當丸不可渠疑而不肯服次年竟以此終

治隔年痢不止木香散

木香 用黃連半兩各剉炒

櫻粟殼 剉同生姜汁半兩炒

甘草 炙一兩

照原本止

治上焦虛熱肺腕咽鬲有氣如烟搶上通鬲丸

黃連

茯苓

人參 各三兩

硃砂 一分

真腦子 少許

右細末研勻煉蜜丸如梧子大熟水下三五丸日二

三服

治心經有熱門冬丸

麥門冬 一兩

川黃連 半兩

右為細末煉蜜丸如梧子大食後熟水下二三十丸

治心經千金地黃丸

川黃連 四兩

生地黄 半斤研取汁連滓二味拌勻日乾

右為細末煉蜜丸如梧子大每服三十丸食後麥冬

湯下

治邪熱客于經絡肌熱痰嗽五心煩熱頭目昏痛夜多

盜汗此藥補和真氣解勞倦婦人血熱虛勞骨蒸並皆

治宜服人參散

人參

白朮

白茯苓

柴胡

半夏曲

當歸

赤芍藥

乾葛

甘草 各一兩

子芩 半兩

右為細末每服三錢水一盞生姜四片枣二枚煎至八分不拘時候帶熱服但是有勞熱者之症皆可服熱退即止大抵透肌解熱乾葛第一柴胡次之所以升麻葛根湯為解肌之冠也

調榮衛順三焦治風壅消痰涎退煩熱清氣散

前胡

柴胡

川芎

枳殼

白朮

青皮

羌活

獨活

甘草

茯苓

人參

各等分

右為末每服二錢水一盞荆芥一穗煎七分服此方敗毒散中去桔梗加白朮青皮增損亦有理用之良

驗

治邪入經絡體瘦肌熱推陳致新鮮利傷寒時疫中暍伏暑柴胡散

柴胡 四兩

甘草 一兩

右為末每服二錢水一盞煎至八分食後熱服此藥冬月可以潤心肺止咳嗽除壅熱春夏可以禦傷寒時氣解暑毒居常不可缺兼不論長幼皆可服倉卒可以便得

治骨蒸肌熱解一切虛煩躁生津液地仙散

地骨皮 洗

防風 各一兩

甘草 一分

右為末每服二錢水一盞生姜三片竹葉七片煎至七分服信效方增人參半兩雞蘇一兩甘草添一分腫滿水氣蠱脹

治腹中有濕熱氣自下作脹腫如新卧起之狀兩足腫病在腎、少陰也標在肺、者太陰也故中滿氣急咳嗽喘息有音每就卧則右脇有氣上衝肩腋與缺盆相牽引不快少思飲食葶藶丸

甜葶藶

半兩

郁李仁

湯浸去皮熬紫色秤三分二味別研如膏令極勻

白木

牽牛子

半兩生熟各半

桑白皮

赤茯苓

溪防已

羗活

陳橘皮

澤瀉

各三分

右細末與上二味同研煉蜜和入臼內治之丸如梧子大初服十丸空心晚食前日二服生姜橘皮湯下不知加至二三十丸以知為度

治脾元虛浮腫寔脾散

大附子一个

草菓

乾姜 各二兩

甘草 一兩

大腹

連皮六

木瓜

一个去穰切片

右用水于砂器內同煮一半以來劈開乾姜心內不白為度不得全令水乾恐近底焦取出剉焙為末每空心日午用沸湯點服

治水氣羗活散

羗活

蘿蔔子各等分

右同炒香熟去蘿蔔子不用末之温酒調下二錢一日一服二日二服三日三服取效嘉興張昌時方
治四肢腫滿大棗湯

白木三兩咬咀每服半兩水一盞半大棗三枚拍破同煎至九分去滓温服日三四服不拘時候

治腫滿小便不利茯苓散

郁李仁四錢

栝榔二个

赤茯苓

白木

甘遂

切片炒各一錢

橘皮一錢半

右細末每服一錢姜湯下

又方

厚朴

半兩

牽牛子

炒取末二兩

右細末每服二錢姜枣湯調下

治游風攻頭面或四肢作腫塊知母湯

知母一兩

麻黃

黃芪

甘草

羗活

白木

枳殼各半兩

右粗末每服四錢水一盞半牛蒡子百粒研碎煎至七分温日三四服覺冷不用牛蒡子

有一達官其母年七十中風拘攣平日止是附子之類扶養一日面浮腫手背亦腫尋常有一國醫供藥

診之云是水病欲下大戟牽牛以導之其家大驚憂
惶莫措召予議之予曰素問謂面腫曰風足脛腫曰
水此服附子太過正虛風生熱之證咽必噎塞鬲中
不利誠然予乃進升麻牛蒡丸參湯繼以知母湯三
日即便愈

常見一醫書中論水虫二病臍腹四肢悉腫者為水
但腹脹四肢不甚腫者為蠱有中表一婦人患蠱病
予謂不可下當寔脾不以為然卒後入棺腹與棺蓋
平治蠱宜石中黃丸

腎藏風及足膝腰腿脚氣等疾

治腎藏風攻注脚膝方

連枝甘遂

一兩

木鱉子

二个一雌一雄
去壳

右為末獾猪腰子二个批開葉末一錢摻勻濕紙裹
數重慢火煨熟放溫五更初細吞米飲下

積水多則利多少則少也宜軟飯將息若患一脚切
看左右如左脚用左邊腰子右用右邊腰子葉末止
一錢

壬子年在毘陵有姓馬人鬻酒久不見因詢其親云
宿患腎藏風今一足發腫如瓠自腰以下鉅細通為
一律痛不可忍卧欲側轉則兩人扶持方可動或者

欲以鈹刀決之予曰未可予有葉合當以贈如上法
服之辰巳間下膿如水晶者數升即時痛止腫退一
月後尚拄拐而行予再以赤烏散令捺貼其膝方愈
後十年過毘陵率其子列拜以謝云向脚疾至今不
復作雖積年腎藏風并已失去今健步自若矣
治腎藏風上攻下注生瘡并癰烏頭丸

川烏 二兩

甘烏

一兩二味以黑豆半升
煮透去皮臍切碎日乾

天麻

地龍

去土秤

白附子

各半兩

右為細末酒糊丸如梧子大每服二三十丸空心食
前盪湯下

去風補血益氣壯筋骨強脚力虎骨酒

虎脛骨

真者

萆薢

仙靈脾

薏苡仁

牛膝

熟地黄

各二兩

右細剉絹袋盛浸酒二斗飲了一盞入一盞可得百
日婦人去牛膝

治腰脚疼痛攣急不得屈伸及腿膝冷麻虎骨酒

虎骨一具及脛骨二莖用酥捺炙黃槌碎同無灰酒
三斗密封七日空心晚食温之隨意飲

治脚氣栴榔湯

栴榔末

三錢

生姜

三片

紫蘇

七葉

陳橘

三枚

右以水一大盞煎七分去滓熱服

少府監韓正彥暴得疾手足不舉諸醫以為風針灸臂腿不知痛孫兆作脚氣與此藥乃愈

益氣補血肝元祛風温壯脚膝地黄丸

熟乾地黄 一兩 牛膝 一兩 石斛 各三分 肉蓯蓉

茵芋 附子 薏苡仁 桂心

防風 川芎 五味子 各半兩

右為末煉蜜丸如梧子大每服三四十丸酒吞下空

心食前服

治肝腎風虛氣弱脚不可踐地腰脊疼痛風毒流疰下

經行止艱難小便餘瀝此藥補五藏內傷調中益精涼

血堅強筋骨益智輕身耐老思仙續斷丸

思仙木 五兩即杜仲也 五加皮 防風 薏苡仁

羌活 川續斷 牛膝 各三兩 草薢 四兩

生地黃 五兩

右細末好酒三升化青鹽三兩用大木瓜半斤去皮子以鹽酒煮木瓜成膏和杵丸如梧子大每服三四十丸空心食前温酒鹽湯下膏子少益以酒糊

治兩脚軟弱虛羸無力及小兒不能行續骨丹

天麻 明淨大者酒浸一日 白附子 牛膝 木鱉子 各半兩

烏頭炮一分

川羌活

地龍去土一分

的乳鈔本

真沒藥

錢各二 硃砂一錢

右以生天南星末一兩無灰酒煮糊丸如鷄豆大硃為衣薄荷湯磨一丸食前服

治風氣積滯成脚氣常覺微腫發則痛茵芋丸

茵芋炒

郁李仁一兩

牽牛子

三兩生取末一兩半

右細末煉蜜丸如梧子大每服二十丸五更姜枣湯下未知加至三十九日三以快為度白粥補

治腰脚走注疼痛此是脚氣宜薏苡仁丸

薏苡仁

茵芋

白芍藥

牛膝

川芎

丹參

防風

獨活

各半兩

熟地黄

側子一个

桂心

橘紅

各一兩

右細末煉蜜丸如梧子大每服三四十九酒下食前日三服木瓜湯下亦可

今人謂之脚氣者黃帝所謂緩風濕痺也千金云頑

弱名緩風疼痛為濕痺大抵此疾不可以三五便效

須久服得力唐張文仲云風有一百二十四種氣有

八十種惟脚氣頭風上氣嘗須服藥不絕自餘則隨

其發動臨時消息但有風氣之人春末夏初及秋暮

得通泄則不困劇所謂通泄者如麻黃牽牛郁李仁

之類是已不必苦駛利藥也

治腎虛腰痛鹿茸丸

凡鹿茸不拘多少切作片子酥炙黃末之酒糊丸如
梧子大空心食前鹽湯下三五十九丸

治腰腿痛氣滯葉碁子

牽牛不拘多少用新瓦入火焙得通紅便以牽牛頓
在瓦上自然一半生一半熟不得撥動取末一兩入
細研硫黃一分同研勻分三分每用白麵一匙水和
捍開切作碁子五更初以水一盞煮熟連湯溫送下
如任即已未任隔日再作予嘗有此疾每發只一服

痛止病源曰腿腰痛者或墮傷腰是以痛

類證普濟本事方卷第五

腸風下血痔漏藏毒

治腸風瀉血久不止玉屑散

槐根白皮去粗皮椿根白皮

苦楝根去皮三味並于九月後二月前

取軟者日乾各三兩天南星 半夏各半兩並生 葳靈仙一兩

寒食麩 三兩

右為末滴水丸如梧子大乾之每服三十丸水八分一盞煎沸下丸子煮令浮以匙抄起溫之送下不嚼空心食前服

頃年有一人下血幾盈頓然疲滿諸藥皆不效予曰

此正腸風令服玉屑丸三服予苦疾三十年蓄下血
葉方近五十餘品其間或驗或否或始驗而終不應
者或初不驗棄之再服有效者未易立談大抵此疾
品類不同對病則易愈如下清血色鮮者腸風也血
濁而色黯者藏毒也肛門射如血線者虫痔也亦有
一種下部虛陽氣不升血隨氣而降者仲景云脉弦
而大弦則為臧大則為乳臧則為寒乳則為虛寒虛
相搏此名則葷婦人則半產漏下男子則亡血失精
此下部虛而下血者也若得葷脉却宜服温補藥虫
痔宜薰千金用蝟皮艾者佳予嘗作頗得力

治藏毒蒜連丸

鷹爪黃連末用獨蒜頭一个煨香熟爛研和入臼治
熟如梧子大每服三四十九陳米飲下

治腸風藏毒槐花散

槐花炒

栢葉

爛杵焙

荆芥穗

枳殼

右修事了方秤等分細末用清米飲調下二錢空心
食前服

巢氏病源論腸癖為痔久因飽食過度房室勞損血氣
流溢滲入大腸衝發于下時便清血腹中賴痛病名脉
痔又論脾毒腸風本緣榮衛虛弱風氣進襲因熱乘之

使血氣流散積熱壅遏血滲腸間故大便下血

椿皮丸

臭椿

刮去粗皮焙乾四兩

蒼朮

枳殼 各二兩

右細末醋糊丸如梧子大空心食前米飲下三四十

丸

治腸痔在腹內有鼠妳下血方

白蕪荑

貫衆

狼牙根

蝟皮 炙焦

椿東引根白皮

槐東引根白皮

雄黃 各一分

白鱉頭 一个炙焦

右細末臈月猪脂和一丸如彈子大綿裏內下部日

三勿

治痔有鼠乳結核作渴疼痛方

皂角 醋炙

黃芪

荆芥

槐子

穿山甲

木香

露蜂房 炒焦

蝟皮

鱉甲 醋炙

桔梗

芍藥 各一分

大黃 半兩

右細末煉蜜丸如梧子大每服三四丸温湯下食

前日三服未知加至五十丸

治遠年腸風痔漏黃芪丸

黃芪

枳殼

歲靈仙

各三兩續斷 炒

槐角子

枯礬

當歸 炒

乾姜

附子 生熟地黄 連翹 炒各半兩 鈔本

右細末煉蜜丸如梧子大米飲下三十丸晁推官方
治腸痔鱉甲散

鱉甲 蝟皮 炙黑焦 穿山甲 炙黑焦

白礬 枯 附子 猪子皂 各半兩炙焦 存二分性

射香 一分研

右細末研勻蒸餅丸如梧子大米飲下二十丸食前
日三服

又方

槐花 炒 白礬 枯各一兩 附子 半兩

右細末蒸餅丸如梧子大每服二十丸米飲下食前
日三服以上二方龐老傳

衄血吐血咯血方

治衄血無時齒梅丸

齒草根 艾葉 各一兩 烏梅肉 焙乾半兩

右細末煉蜜丸如梧子大烏梅湯下三十丸
經云天暑地熱經水沸溢蓋血妄行陽勝陰也鞠運
若茂之嘗苦此疾予授此方令服後愈三黃散亦得

三黃散

大黃 黃連 黃芩 各半兩

右細末每服二錢新水調下蜜水亦可
又方

山梔子不拘多少燒存性末之搗入鼻中立愈
蔡子渥傳云同官無錫監酒趙無疵其兄衄血甚已
死入殮血尚未止偶一道人過門聞其家哭詢問其
由道人云是曾服丹或燒煉葉予有藥用之即活囊
間出此藥半錢匕吹鼻中立止良久得活并傳此方
治鼻衄過多昏冒欲死梅師方

右用香墨研濃點入鼻中

潤肺安血止嗽治吐血咯血天門冬丸

天門冬 一兩

甘草

杏仁

貝母

白茯苓

阿膠 各半兩

右細末煉蜜丸如彈子大嚙津含化一丸日夜可十
丸不拘時候

因嗽咯血成勞眼睛疼四肢倦脚無力黃芪散

黃芪

麥門冬

熟地黃

桔梗

各半兩

甘草 一分

白芍藥 半兩

右粗末每服四錢水一盞半姜三片煎七分去滓温
服日三服

治久嗽咯血成肺痿多吐白涎胃滿悶不食扁豆散

白扁豆

生姜

各半兩

枇杷葉 去毛

半夏

鈔本

人參

白朮 各一分

白茅根 三分

右細剉水三升煎至一升去滓下栴榔末一錢和勻分四服不拘時候

治勞瘵吐血損肺及血妄行神傳言

用剪草一斤婺台州皆有惟婺州者可用狀如茜草又如細辛每用一斤淨洗為末入生蜜一斤和為膏以器盛之不得犯鉄丸蒸九晒日一蒸晒病人五更起面東坐不得語用匙抄藥如粥服每服四匙良久用稀粟米粥飲壓之藥冷服粥飲亦不可太熱或吐

或下皆不妨如久病肺損咯血只一服愈尋常咳嗽血妄行每服一匙可也有一貴人其國封病瘵其尊人嘗以此方畀之九日而藥成前一夕病者夢人戒令翌日勿令服藥次日將服之為屋土墜器中不可服再合既成又將服為猫覆器又不得服又再作未就而是人卒矣此藥之異如此若小兒血妄行一啜而愈或云是陳農師夫人鄉人艾字先嘗親說此事渠後作大觀本草亦收入集中但人未識不肯信耳

眼目頭面口齒鼻舌唇耳諸疾

鎮肝明目羊肝丸

羯羊肝

一具新瓦盆中燻乾更培之肝若大只用一半

甘菊花

羌活

栢子仁

細辛

官桂

白朮

五味子

各半兩

黃連 三分

右細末煉蜜丸如梧子大空心食前溫水下三四十丸

又方

白羯羊肝

只用于肝一片薄切新瓦上燻乾

熟地黃

一兩半

兔絲子

車前子

麥門冬

麩仁

決明子

澤瀉

地膚子

去壳

防風

黃芩

白茯苓

五味子

枸杞子

羌蔚子

杏仁

大者佳

細辛

華陰者佳

苦葶藶

桂心

麥箱子

各一兩

右細末煉蜜丸如梧子大每服三四十丸溫水下日三服不拘時候

張臺卿嘗苦目暗京師鑿者令灸肝俞轉不見物得

此方服之遂明有一男子內障鑿治無效因以餘劑

與之一夕燈下語其家人曰適偶有所見如隔門縫

見火者及旦視之眼中翳膜且裂如線張云此藥靈

勿妄與人忽之則無驗予隘之且欲廣其傳也

又方

羌活

川芎

旋覆花

防風

各半兩

甘草

蒼朮

泔水浸一夕去皮白乾不見火

楮葉

桑皮

並八月採陰乾秤以上各一兩

楮寔

甘菊花

蟬退

木賊 各一分

右木白中治為末茶清調下二錢早晚食後臨卧各一服暴赤眼亦治赤眼忌濕麩及酒楮葉須真無寔者餘不堪用否則諸藥悉無效合時不得焙及犯鉄器予觀此方取楮葉必無寔者蓋陰陽二物相配匹耳有寔者陽也無寔取葉者陰也所以不得真者諸藥悉無効

治肝腎風毒熱氣上衝眼痛菊花散

甘菊花

牛蒡子

炒熟各八兩

防風

三兩

白蒺藜

去刺一兩

甘草

一兩半

右細末每服二錢熟水調下食後臨卧時服

素問云久視傷血主肝故勤書則傷肝主目昏肝傷則自生風熱氣上湊目其昏亦甚不可專服補藥益血鎮肝明目地黄丸

熟地黄

一兩半

決明子

各一兩

沒藥

甘菊花

防風

羌活

桂心

光明硃砂

各半兩

右細末煉蜜丸如梧子大每服三十丸熟水下食後日三服

讀書之苦傷肝損目誠然晉范甯嘗苦目痛就張湛求方湛戲之曰古方宋陽子少得其術以授魯東門伯次授左丘明遂世相傳及漢杜子貢晉左太冲凡此諸賢皆有目疾得此方云用損讀書一戒思慮二專內視三簡外觀四旦起晚五夜早眠六凡六物熬以神火下以氣簇蘊于胸中七日然後納諸方寸修之一時近能數其目睫遠視尺筭之餘常服不已動見牆壁之外非止明目并可延年審如是而行之

不可謂之嘲戲亦竒方也

治頭風冷淚 龐安常二方

甘菊

決明子 各三分 白朮

羌活

川芎

細辛

白芷

荊芥穗

各半兩

右細末每服一錢滾湯調下食後日三服

又方

川芎

甘菊

細辛

白朮

白芷 各一分

右細末蠟丸如黍米大夜卧納一丸于目中一時辰換一丸

荀牧仲頃年嘗謂予曰有人視一物為兩醫者作肝氣有餘故見一為二教服補肝藥皆不驗此何疾也予曰孫真人云目之系上屬于腦後出于腦中邪中于頸因逢身之虛其入深則隨目系于腦入于腦則轉則目系急則目眩以轉邪中其睛所中者不相比則睛散睛散則岐故見兩物也令服驅風入腦藥得愈

王檢正希臯昔患鼻額間痛或麻痺不仁如是者數年忽一日連口唇頰車髮際皆痛不可忍口雖言語飲食亦相妨左額與頰上常如糊急手觸之則痛予作足陽明經絡受風毒傳入經絡血凝滯而不行故有此證或者以排風小續命透冰丹之類與之皆不效予製此犀角升麻湯贈之服數日而愈

上等犀角 一兩一分

真川升麻 一兩 防風

羌活 各三分 白附子

甘草 各一分 白芷

黃芩 各半兩 川芎 一分

右粗末每服四大錢水一盞半煎至八分去滓通口服食後臨卧日三四服

足腸胃也經云腸胃為市又云陽明多血多氣胃之中腥羶五味無所不納如市廛無所不有也六經之

中血氣俱多腐熟飲食故食之毒聚于胃此方以犀角為主解飲食之毒也陽明經絡環唇挾口起于鼻交頰中循頰車上耳前過客主人循髮際至額顙故王公所患皆此一經絡也因以升麻佐之餘葉皆滌除風熱升麻黃芩專入胃經稍通醫者自能曉也治鼻塞清涕出腦冷所致

通草

新萋

各半兩

細辛

甘遂

桂心

芎藭

附子

各一兩

右細末蜜丸綿裹納鼻中密封勿令氣泄丸如大麻子稍加微覺小痛搗姜為丸即愈

此千金方也治腦冷所致此疾亦有趾熱者亦有肺寒者素問云膽移熱于趾則辛額鼻淵又曰泣涕者腦也腦滲為涕又曰肺之液為涕其來各有自矣當審詳之鼻淵者濁涕下不止清濁亦自異治肺風鼻赤瘡

老山梔為末鎔黃蠟等分和為丸如彈子大空心茶酒嚼下半月效忌酒炙燻

又方

右用枇杷葉去毛焙乾末之茶調下一二錢日三服治心脾壅熱生木舌腫脹

玄參

升麻

大黃

犀角

各三分

甘草半

右細末每服三錢水一盞煎至五分溫服不拘時候
治口生瘡方

升麻 一兩一分

黃連 三分

右細末綿裹含汁咽

治諸魚骨鯁久不出方

右以皂角末少許吹入鼻中得鯁出多秘此方

治懸癰腫痛不下食玄參散

玄參 一兩

升麻

射干

大黃

各半兩

甘草 一分

右細末每服三錢水一盞煎至七分候溫時含咽

良驗

治聾耳出膿紅線散

白礬煨成白灰每用一錢入胭脂一字研勻用綿杖

子纏去耳中膿及黃水盡即用別綿杖子引藥入耳

中令到底滲之即乾如壯盛之人積熱上攻耳出膿

水不差用無憂散雄黃丸瀉三五行即差

治腎虛耳鳴夜間睡着如打戰鼓覺耳內風吹更四肢

抽掣痛黃芪丸

黃芪

獨莖者去芦一兩

白蒺藜

炒丸擦揚去細碎刺

羌活

去芦各半兩

黑附子

大者一个

羯羊腎

一對焙乾

右細末酒糊丸如梧子大每服三四十九空心晚食前煨葱鹽湯下

治男子二十歲因瘡毒後腎經熱右耳聽事不真每心中不意則轉覺重虛鳴疼痛地黃丸

生地黃

一兩半

桑白皮

一兩枳殼

羌活

防風

黃芩

木通

甘草

各半兩

礞石

搗碎水淘三二十次去盡赤汁為度二兩

右粗末每服四錢水一盞半煎七分去滓日二三服

不拘時候

治口乾煩躁生津液思食黃芪湯

黃芪

熟乾地黃

白芍藥

五味子

麥門冬

各三分

白茯苓

一分

甘草

半兩

右粗末每服三錢水一盞半姜枣烏梅同煎去滓服

類證普濟本事方卷之五終

卷

鈔本

藏書

卷

